

Ch'ol.

## **Päjyib cha'añ konkurso Público 2026 cha'añ jiñi Sistema OPLE (Ochib ty'añ)**

Jiñi ye'tyel tyi pejtyel lumal ajyajakayaj, ya' tyi Direksyón Ejekutiba del Serbisyo Profesional Elektoral Nasyonal, ipäye' ajchuñtyulob yomo'bä ochel tyi Serbisyo Nasyonal ya' tyi sistema cha'añ jiñtyak Organismos Públicos Lokales Elektorales yotsañob ibä tyi Konkurso Público 2026, che' bajche' mi ki' k'äjñel e'tyel yik'oty troñeltyak cha'añ Servisyo Profesyonal Elektoral Nasyonal cha'añ jiñtyak Organismos Públicos Lokales Elektorales (OPLE).

### **I. CHuki yom ityajtyäl**

Mi yajkäñtyel, tyi junp'ej melol, tyojbä yik'oty uts'atybä, jiñob kixtyañuj año'bä iña'tyayaj, ipensal yik'oty muk'bä imulañ troñel tyi OPLE.

Jiñi Konkurso Público mi itsäts isañ iyajkäñtyel x-e'tyel ya' tyi lumal tyi tyojlel kixtyañujob ajtroñelo'bä tyi serbidores publikos, uts'atybä mi mel muk'bä iyäk'e' wersaj tyi yajkäñtyel, x-e'tyel juñjalabä yik'oty tyojbä, yik'oty ip'ätyälel yik'oty ikäñtyäñtyel ilerechoj politiko-elektorales cha'añ ajchuñtyälob.

### **II. Kixtyañujob muk'bä isu'beñtyelob**

CH'ujbi ikajlelob jiñobtyak kixtyañujob ajchuñtyälob mejikanojo'bä yomo'bä iyotsañob ibä tyi Serbisyo Profesyonal Elektoral Nasyonal tyi sistema cha'añ jiñtyak OPLE, che' ts'äkäläch muk'bä ik'ajtyiñtyel ya' tyi päjyib yik'oty chä'ächki bajche' mi k'ajtyibeñtyelob cha'añ ityaj iye'tyel muk'bä iñop. CHä'äch je'el, ch'ujbi je'el iyotsañob ibä jiñi ajtroñel cha'añ Serbisyo Profesyonal Elektoral Nasyonal muk'bä imulañ ityaj junp'ej ye'tyel tsätsixbä bajche' muk'bä itroñeliñ wa'li, jiñäch yom lu' añäch icha'añ chä'bä ik'ajtyiñtyel ya' tyi Päjyib.

### **III. CHuki ik'ajtyiñtyel cha'añ iyotsañ ibä**

- Ajchuñtyäl mejikanojbä muk'bä ik'äne' ilerechojtyak.
- Añbä ikredensyal uts'atytyobä
- Machbä ajkotyayaj cha'añ partido politiko.

- Ma'añbä ba' otsäñtyi tyi partido politiko o ma'añbä tyi tyaja iye'tyel tyi yujtyi'bal uxp'ej ja'bil.
- Ma'añ su'bibil cha'añ mach mej tyi troñel tyi serbysyoy públikoj.
- Ujtyembä ik'ejuñ yik'oty añixbä iña'tyayaj cha'añ jiñi troñel o e'tyel.
- Iñunsañ pejtyeleltyak ichajplel jiñi konkursoj.
- Iyäk'e' jiñi ts'ijb '8 de 8 ikontrabä tyä'layaj' jutyubä icha'añ.

#### IV. Ikäñtyayaj cha'añ junlajol yik'oty lu'tyajol

Jiñi Konkurso Público 2026 chä'äch mi kajel imejlel bajche' mi yäjlel ya' tyi princypyos de igualdad, ma'añ mi ts'akejlel mi komoñ ch'äjmel tyi wentaj. Jiñ cha'añ, mach ch'äjme käytyäl bajchi'kabä yilal yäñäbä k'elol, wäjol, mich' kelol oyäñälbä k'elol machbä weñ cha'añ baki tyälem, ity'añ ija'bilel, mach uts'aty, mi x-ixik o wiñik, chuki imulañ, bajche' añ o bajche' ipäse' ibä, bache' yilal ikuxtyälel, chuki ich'ujbiñ oba' ikabä yambä chuyes o yilal icha'añ.

CHa'añ ikäñtyäñtyel jiñi junlajol tyi kotyäñtyel yik'oty iweñ subty'añ tyi ipejtyelelob kixtyñujob yomo'bä ochel, ki' yäjk'eltyak kotyäñtyel cha'añ ochel yik'oty yäñol k'ebtyakbä cha'añtyak año'bä ik'älä wokol. Jiñtyak kotyäñtyel ityajtyäl tyi ty'añ jiñi imejlib ts'ijbtyak digitalbä mejoñbäla tyi ochel; iñusäñtyel ili ty'añ tyi lakyokety'añ; jiñi kotyäñtyel cha'añ jiñi ik'äñol yalob Sistema; junp'ej chuty microsytyoj; ik'äñol tsijib k'ämbälel cha'añ kotyayaj; ityo'säñtyel oraj che' chonkol ik'ejlel ña'tyibal; yik'oty kotyayajtyak che' mi apejkäñtyel o ak'ajtyibeñtyel, bajche' akotyayaj xty'añ cha'añbä uma'ob yik'oty mi kotyäñtyel cha'añ mi ñijkañ ibä, yik'oty yantyakbä bajche'ki yila.

#### V. Yoroleltyak li konkurso 2026

Jiñi Konkurso Público mi kajel icha'leñtyel tyi bolonp'ej ichajplel che' bajche' ili:

| Troñel                                             | Yorolel                                     |
|----------------------------------------------------|---------------------------------------------|
| Iyäjk'tyi kãñol jiñi Päjyib                        | 30 le julio k'älä tyi 14 le agosto tyi 2026 |
| Otsayaj juñ yik'oty otsayajbä                      | 7 k'älä tyi 14 le agosto tyi 2026           |
| Mi asub ke muk'äch ak'otyel ya' tyi k'el ña'tyibal | 24 k'älä tyi 28 le agosto tyi 2026          |
| Ik'ejlel aña'tyibal                                | 19 le septiembre tyi 2026                   |

| Troñel                                                                      | Yorolel                                 |
|-----------------------------------------------------------------------------|-----------------------------------------|
| Letsayaj juñ cha'añ ik'ejlel mi añäch pejtjelel ajuñ muk'bä ak'ajtyibeñtyel | 10 k'älä tyi 16 le octubre tyi 2026     |
| Ik'elol añä'tyibal psikometrikabä                                           | 7 le noviembre tyi 2026                 |
| K'ajtyibeñtyel                                                              | 18 le noviembre tyi 2026                |
| Ipäsol tsik ta'bä ilok'oyob/tyajayob                                        | TYi cha'p'eje semanaj le diciembre 2026 |
| Su'bol kixtyañujob ta'bä ijotyoyob                                          | 21 le disyembre tyi 2026                |

## VI. Ba' ch'ujbi atyaje' ty'añ

TYi pejtjelel ty'añ cha'añ Konkurso Públiko mi kajel ityajtyäl tyi internet cha'añ INE: [www.ine.mx](http://www.ine.mx).

CHa'añ k'ajtyiyaj okotyayaj, jiñob kixtyañujob yomo'bä iyotsaño'ibä ch'ujbi icha'leñob ty'añ ya' tyi **INETEL**, tyi **800 433 2000**, ats'ijbuñ tyi korreo elektroniko [concurso-ople.spen@ine.mx](mailto:concurso-ople.spen@ine.mx), tyi lunes k'älä tyi yernes, tyi **9:00 k'älä 18:00 hrs**, k'iñi tyi centro.